



Predmet br. MICT-13-56-A
Tužilac protiv Ratka Mladića

JAVNO

**ODLUKA O USLOVIMA PRITVORA: PRESLUŠAVANJE I PRAĆENJE
TELEFONSKIH POZIVA**

SEKRETAR,

PODSJEĆAJUĆI na Statut Međunarodnog rezidualnog mehanizma za krivične sudove (dalje u tekstu: Mehanizam) kako je usvojen od strane Savjeta bezbjednosti Rezolucijom 1966 (2010) od 22. decembra 2010.;

PODSJEĆAJUĆI na Pravilnik o postupku i dokazima Mehanizma kako je usvojen od strane sudija Mehanizma 8. juna 2012., sa naknadnim izmjenama i dopunama (dalje u tekstu: Pravilnik);

IMAJUĆI U VIDU Pravilnik o pritvoru osoba koje čekaju na suđenje ili žalbeni postupak pred Međunarodnim sudom ili su iz nekog drugog razloga pritvorene po ovlaštenju ovog Suda, kako ga je usvojio Međunarodni krivični sud za bivšu Jugoslaviju (dalje u tekstu: Međunarodni sud) 5. maja 1994., sa naknadnim izmjenama i dopunama (dalje u tekstu: Pravilnik o pritvoru), koji se primjenjuje, *mutatis mutandis*, pred Mehanizmom;

IMAJUĆI U VIDU pravilo 58(C) Pravilnika o pritvoru na osnovu kojeg sekretar može naložiti da se neprivilegovani telefonski razgovori snimaju ili prate kako je predviđeno Pravilnikom o posjetama i komunikacijama s pritvorenicima (dalje u tekstu: Pravilnik o posjetama i komunikacijama), koji se primjenjuje, *mutatis mutandis*, pred Mehanizmom;

IMAJUĆI U VIDU da je g. Ratko Mladić (dalje u tekstu: pritvorenik) prebačen u sjedište Međunarodnog suda 31. maja 2011. i da je trenutno pritvoren u Pritvorskoj jedinici Ujedinjenih nacija (dalje u tekstu: PJUN) do izricanja Drugostepene presude u postupku protiv njega;

IMAJUĆI U VIDU da je sekretar obaviješten da je ujutro 16. novembra 2018. pritvorenik, po svemu sudeći, direktno učestvovao u televizijskom programu koristeći neprivilegovanu telefonsku

liniju u PJUN-u, tako što je telefonirao svom sinu koji je bio prisutan u studiju i koji je pozvao pritvorenika da govori u tom programu;

UZIMAJUĆI U OBZIR da sekretar nije dao pritvoreniku prethodno odobrenje za korištenje komunikacijskih pogodnosti koje su na raspolaganju u PJUN-u za kontakte s medijima, direktno ili indirektno;

UZIMAJUĆI U OBZIR da pravilo 64*bis*(A) Pravilnika o pritvoru zabranjuje korištenje od strane pritvorenika komunikacijskih pogodnosti koje su na raspolaganju u PJUN-u isključivo u svrhu kontakata s medijima, direktno ili indirektno, bez prethodnog odobrenja sekretara;

UZIMAJUĆI da povreda Pravilnika o pritvoru predstavlja prekršaj na osnovu Pravilnika o posjetama i komunikacijama;

UZIMAJUĆI U OBZIR, stoga, da postoje razumne osnove sumnje da je pritvorenik počinio prekršaj;

UZIMAJUĆI U OBZIR da je praćenje i preslušavanje pritvorenikovih nedavnih, prošlih i budućih nepriviligovanih telefonskih poziva na određeno vrijeme potrebno kako bi se obezbijedili sigurnost i red u PJUN-u i u interesu je provođenja pravde;

OVIM NALAŽE upravniku PJUN-a, na osnovu pravila 58(C) Pravilnika o pritvoru i pravila 13(B)(i) Pravilnika o posjetama i komunikacijama, da presluša i rezimira pritvorenikove nepriviligovane telefonske razgovore za posljednjih 7 (sedam) dana, uključujući onaj od 16. novembra 2018., datuma moguće povrede Pravilnika o pritvoru;

OVIM DALJE NALAŽEM upravniku PJUN-a, na osnovu pravila 58(C) Pravilnika o pritvoru i pravila 13(B)(ii) Pravilnika o posjetama i komunikacijama, da preslušava i rezimira sve pritvorenikove buduće telefonske razgovore, prema potrebi, počevši od 16. novembra 2018., za period od trideset dana.

Olufemi Elias,
sekretar

Dana 16. novembra 2018.

U Haagu,

Nizozemska.